

شیعه لیک و ایرانیت دئییه فارس ایستعمار چیلیغی

علی شریعتی و فارس شعوبیه چیلیگی 26

کئچمیش دانیشیدقا علی شریعتی نین ایرانیت آنلاییشیندان یولا چیخاراق کئچمیشده کی "ایرانیت" آنلاییشی نین غزنه و کابل آراسینا و غزنه اطرافینا دئییلدیگی و اوسته لیک اثرانهشر و اثرانوئز آنلاییشلاری اوزره بیلگی وئردیک. علی شریعتی زردوشتلوگو بوگونکو ایرانا نسبت وئره رک یازمیش:

"بو سوسقونلوق، ساکیتلیک، باش قالدیرماق و قیام ائتمک دؤنمی و دوره سی بو خصوصیتلره مالیک اولموش: گونو گوندن ایرانلی، زردوشتلو، ساسانلی مدنیتلری نین یوخ اولماسی. اسلام گلدیگی زامان اولان مدنیت ایرانلی، زردوشتلو و ساسانلی خاصیتلره مالیک اولموش. ... اول بیز مسلمان اولدوقدا دینیمیز اسلام اولماسینا باخمایاراق مدنیتیمیز زردوشتلوک، ساسانلیک و ایرانلیلیق ساییلاردی. مدنیت روحا مالیک اولدوغو اوچون انسانین رفتاریندا، هنرینده دخالت ائده رک حل اولار. بیرینجی عصر مسلمان اولموش ایرانلی عقل باخیمیندان مسلمان اولارکن مدنی نظردن زردوشتلوک،

ایرانلیلیق و ساسانلیلیق کیملیگینه مالیک ساییلار. ایسلامدان قابق زامانلار مانى یوخسا مزدک یوخسا دا مسیحى حرکتلر بؤیوک بیر توپلوما مالیک ساییلار. بو دئدیکلریمیزه باخمایاراق بو مذهبلى قبول ائتمیش ایرانلیلار مانى، یوخسا مزدكى، یوخسا دا مسیحى مدنیتی داشیمازلار. اولار یالنیز ایرانلى، زردوشتلوک و ساسانلیلیق مدنیتینه مالیک ساییلارلار".^۱

زردوشتون دوغولوش یئرى نین افغانستانین قوزئیى، **باختر** ولایتی نین قوزئینده بیر یئر اولدوغونو، **زردوشت** کتابى "**اویستا**" دا مین اوچ یوز ایل میلاددان سونرا بیرینجى دفعه متن حالینا گلدیگینی^۲ و عئین حالدا ایسلامیتین کتابى اولان "**قرآن مجید**" خلیفه ابوبکر زامانیندا کتاب اولاراق یازیلدیغینی نظره آلساق، ساسانلیر زامانى زردوشتلوک دئییه گئیش بیر مذهب آنلایشى ساسانلى امپراتورلوغوندا اولمامیش. دئمک، ایستر ساسانلیردن اؤنجه و ایسترسه ده ساسانلیر زامانیندا زردوشتلوک اینانجى گوجلو و نفوسو چوخ اولان بیر مذهب اولسایمیش و ساسانى امپراتورلوغو دا یازى دیلى و کولتورونه مالیک اولسایمیش، اوستا کتابى دا او زمانلار باشقا دین و مذهب کتابلارى کیمی، اؤرنک اولاراق تورات و انجیل کتابلارى دک اؤز زامانینا اویقون یازیلی متن حالینا گلرمیش. اویستا کتابى نین ساسانلیر زامانیندا کتاب حالینا

گلمدیگی انسانین ذهنینده بو مذهبین گئنیش بیر خالق کیتله سینه خطاب ائتمه سینه داییر قوشقو و شک اوپاندیرماسی دا یئرلی ساییلار. بو باخیمدان ناصر پور پیرار ادعا ائدیگی "دوازده قرن سکوت" آدلی کتابینداکی گؤروشله ده گئرچکلک و واقعیتله یاخین گؤرونر. علی شریعتی ساسانی امپراتورلوغوندا عیسی مسیح یانچیلاری نین اولدوغونو قبول ائدرکن مدنیت باخیمیندان اونلاری "زردوشتلوک" مدنیتینه منسوب دئییه قلمه آلماسینا باخمایاراق میلاددان سکیز یوز تا آلتی یوز ایل اؤنجه مسیح مذهبنه اساس اولوشدوراجاق دینی متینلر پاپیروس کاغاذی اوزرینه یازیلیمیش و گونوموزه چاتارکن زردوشت اینانجی اوزره اسلامیتدن اؤنجه بیر ال ایچی یازی دا تاپیلمامیش. غرب قاینقلارینا گؤره مسیح مذهبی فقط حضرت عیسی زامانی اورتایا قویولمامیش. مسیح مذهبی یهودیتدن یولا چیخاراق زامان آخاریندا بیر مذهب اولموش. قدیم اینجیل کتابی ایچریک و محتوا باخیمیندان یهودیتین دین کتابی ساییلان تورات کتابینا اساسلانا و عئبری دیلینده یازیلیمیش. حضرت عیسی اؤزو ده قدیم اینجیل اینانجینا باغلی بیر پیغمبر اولموش. یئنی و تازا اینجیل کتابی ایسه حضرت عیسی زامانیندان یولا چیخاراق حضرت عیسی نی دا الله مقامینا یوکستمیش بیر اثر اولاراق قدیم یونان دیلینده یازیلیمیش.

قرآن کتابینده انجیل کتابینا ال آپارلمیش ایفاده لر ده بو اساسدا ایرلی سورولموش. بو دئدیکلریمیزه باخمایاراق ایستر قدیم اینجیل، ایسترسه ده یئنی اینجیل کتابی ایلك اولاراق پاپروس کاغذلارینا یازلمیش



گونوموزه چاتمیش.

قارشیدا گؤروندوگو

متن ده پاپروس

اوزرینه یازلمیش

1550 ایل مسیحیتدن

اؤنجه حکیملیگه

عاید مصرده بیر

دوکتورون قییریندن

1550 ایل میلاددان اؤنجه پاپروس اوزرینه یازلمیش و مصرده تاپلمیش متن

تاپلمیش تاریخی بیر متن ساییلار.

دئمک، بوگون بیلیم و عئلم اوجاقلاری بیر چوخ عوامفریلرین اینی آچاراق واقعیتلری اورتایا قویماغا و انسانلاری حضور ایچینده اؤز دیل و مدنیتلرینی اساس گؤتوره رک یاشاماغا امکان یارادار. بئله لیکله افسانه بیر فیقور اولاراق زردوشت حئکایه سی ده بیر سایدا اؤز لرینی مؤبد آدلاندیرانلار طرفیندن اورتایا آتلمیش بیر وارساییم اولاراق قبول ائدیله بیلر. بو وارساییمدان یولا چیخاراق اؤز لرینی مؤبد آدلاندیران بیر

سایدا انسانلار زردوشتلوک مفکوره سی نی دوشونموش. بیر نچه نسل سؤزلو و شفاهی بو مفکوره نقل اولوناراق میلاددان مین اوچ یوز ایل سونرا ایلک اولاراق "اوستا" کتابی دئییه متن حالینا گلیمیش. بوگون ده دنیا چاپیندا بیر آز سایدا موریدلری وار. فارس ایستعمار یانچیلاری نین کئچمیشده فارسلیق ایله ایلگی و ایلشکیسی اولمایان و کئچمیشده تورک حاکیمیتلری طرفیندن ایران آدی آلمیش و غرب دؤلتلری طرفیندن پرسیا آدلانمیش ممالیکی محروسه نی "ایران" دئییه فارس قلمه آلماق چابالاری سرحد تانیماز.



فاروق صفی زاده

بو ذاتلاردان بیری ده فارس مدنیت راسیستی کاراکتتری داشییان، تیکان تپه-ده دوغولموش، کورد کؤکنلی و کورد منشالی فاروق صفی زاده آدلی معلول الحال شخص ساییلار. بو شخص اؤزونو مافوق بشر قلمه آلا. دره خلوت تولکو

بگ دئییه تاریخین ائنینه ده قاچار، بویونا دا. اونون بو هذیان ماهیتلی گؤروشلری فارسلیق اساسیندا فارس مطبوعاتیندا اوزرینده دوشونلمدن چاپ اولار. بئله لیکله فاروق صفی زاده اؤزونو مافوق بشر قلمه آلماق چالیشار. فاروق صفی زاده دونیادا شعر آنلاییشی نین

تاپیلیشینی ایرانلیلارا نسبت وئرر، غرب دونیاسیندا وزن اساسیندا شعر یازماغی ایرانلیلار اونلارا اؤیرتمیش دئییه ادعا ائدر، ایسلامیتی زردوشتلیکدن آیینمیش بیر دین اولدوغونو ادعا ائدر و هیندوستاندا دوغولموش بودانین ایرانلی اولدوغونو ادعا ائدر، سومرلرین آریالی اولدوغونو ادعا ائدر، عربلر دیلرینی بیلمگن توپلوملارا "عجم" دئییکلرینی ترسینه چئویره رک "عربلری" دیلسیز و عرب دیلی نین ده ایرانلی اولدوغونو ادعا ائدرⁱⁱⁱ. فاروق صفی زاده نین هذیانلاری بیر یوخسا ایکی دئییل، الکساندر مقدونی اوزره سپاه پاسدارانا باغلی اولموش "خبرگزاری فارس" ایله مصاحبه سیندن، اوخویوروق:

"بیزیم بیر "آشکنتار مغانی" واریمیز. اونون دینی گونشپرستلیکدیر. او زردوشتون اوچونجو قارداشی ایمیش. آشکنتار مغانی اوچونجو داریوشدان سونرا حؤکومتی اله آلمیش و اشکانی سیلسیله حؤکومتینی قورموش. سونرا "اشکنتار مغانی" "الکساندر مقدونی" اولموش، بو آد جعل اولموش. آنجاق بو شخص گؤردوگو ایشلرین هامیسی دوزدور. اونون ایشلرینی "الکساندر" آدلی بیر غیر ایرانلی شخصه نسبت وئرمیشلر".^{iv}

فاروق صفی زاده بو ادعالاری اؤنه سوررکن هر هانکی بیر تاریخی منبع و قایناق دانیشیقلارینا داییر اورتایا قویماز. او زردوشتون قارداشینی

خام انشانلارا باغلاراق جمله سونا چاتمادان خیالی زردوشتون قارداشینی "اشکانیلر یوخسا آرشاقلار" شاهلیغی نین قوروجوسو ائدر. الکساندر مقدونی نین ایرانا حمله ائتمه سی ده تاریخده یوخا چیخار. بو آرادا قاتیل و مقتولون دا کیم اولدوغو بللی اولماز. قیسا سؤز ایله دئمک لازیمسه، فاروق صفی زاده تاریخی بیر لحظه ده آلت و اوست ائدر. یئری گلمیشکن بو معلوم الحال شخصین "ایران مهر" ژورنالینداکی تاریخی موضوعلار، او جومله-دن زردوشت و حضرت محمد اوزره ادعالاری ایله تانیس اولاراق اونلاری نقد ائتمگه چالیشاق. فاروق صفی زاده-دن اوخویوروق:

".. تاریخ واریمیز. او تاریخه اساسا فقط ساسانلیلار 2500 ایل حؤکومت ائتمیشلر. ساسانیلردن اؤنجه اشکانلار و سونرا خام انشانلار واریمیز".^۷

هر هانکی بیر ژورنال و عئلمی فصلنامه-ده بئله بیر معده گوجو مطلب چاپ ائتمک دوغرودان دا افتضاح ساییلار. دئمک، مطلبی ایفاده ائدن سئفیج و دلی آدامدیرسا، بو مطلبی یایان و چاپ ائدن ژورنالین باش رداکتورو اوندان دا دلی و باشی بوش اولمالیدیر.

اوسته گۇروندوگو كىمى كئچمىش شاھ زامانىدا 2500 ايللىك اويدورما فارس شاهليغى(!!!) تاريخى يىنى آرخولوژى تاپىنتىلارينا جاواب وئرمك قابىلىتىندە اولمادىغى اوچون فارس نژادپرستلىرى يهودلار الى ايله قوراشدىرىلمىش و يازىلمىش يالان تاريخلىرىنى اۆزلىرى دە يالانلاماغا و يىنىدن يالانچى ايفاده لر ايجتماعىته سرگيله مه گه و يىنى تاريخلر يونتاماماغا باشلامىشلار. فاروق صفى زاده-دن گئنه ده اوخويوروق:

"مادلار بيرىنجى حۇكومتلىرىنى 9000 ايل اۇنجه قورموشلار. سونرا خاхам انشانلار مادلارين بير بۇلمه سى اولاراق حاكىمىته گلмышلر"^{vi}.

اوسته كى فاروق صفى زاده نين يالانلارى كئچن ايللرده 7000 ايل ايران تاريخى دئيه آرخولوژى تاپىنتىلارينا فارسلىق اوچون كارنامه و اساس ياراتماق نىتىنه خدمت دئيه دوشونولموش. بو اساسسىز معده گوجو دوشونجه و فيكىر يىترىتمكلره باخمايaraq خاхам انشانلارين فارسلىق ايله هر هانكى بير ايلگى و ايليشگيده اولمادىقلارى و ايسلاو دىللى و كۆچرى بير خالق اولدوغو اوزره كئچمىش دانىشيقلاردا بىلگى وئردىك^{vii}. بىلىندىگى كىمى فارسلارا يهود تاريخ ايجماسى طرفىندن يازىلان تاريخلره اساساً **پارت**، **پارس** و **ماد** قوملارى بىرلىكده ايران ممالىكى محروسه سىنه آخين ائتمىشلر. يهود اجماعسى نين

يازديغى يالانلارى تاريخ دئيه قلمه آلارساق، مادلار **9000** ايل اۇنجه كى دۇولتلىرىنى يئر كوره سى نين هانكى نقطه سينده ياراتدىقلارى بللى اولمادىغينا باخمایاراق **ماد** آدیندا بير طایفانین آدى **836** ایل میلاددان اۇنجه اوروپالیلارین **Mesopotamien** دئیکلری زاکروس ایله دیجله چایی آراسینداکی بؤلگه-ده بیرینجی دفعه اولاراق ائشیدیلیمیشدیر. او طایفا 625-585 میلاددان اۇنجه کوروش باشچیلیغی ایله **آشورلارین** بابل آدیندا تانینمیش حاکیمیتلرینه سون قویموشلار. فاروق صفی زاده-دن گئنه ده اوخویوروق:

"... خاхам آشانلار 8500 ایل اۇنجه ایراندا حؤکومتلری واریمیش. 8500 ایل هارا؟ و 2500 ایل هارا؟ سیز بو دئیکلریمی تخت جمشیدده و آیری یئرلرده خاхам آشانلاردان اله گلمیش اثرلر ایله قارشیلشدیرین و مقایسه ائدینیز. خاхам انشانلارین 8500 ایل ایراندا حؤکومتلری واریدی" ^{viii}.

اوسته ایشاره ائتدیگیمیز کیمی ایران ممالیکی محروسه سینده یئنی آرختولوژی تاپینتیلاری نین اورتایا چیخماسی فارس یانچیلارینی و ایستعمار عامیللرینی اولدوقچا پیس دوروم و وضعیته سالمیش. اونلار فارس اوستونلوگونو قوروماق اوچون معده گوجو فیکیر یئریتمه گه

چالیشارلار. بو یالانلار باخمایاراق فارسلا یازیلان یالان تاریخله اساساً **ماد، پارت و پارس** قوملاری نین ایران ممالیکی محروسه سینده نه زاماندان آدلاری نین چکیلدیگینی اوسته اورتایا قویدوق . دئمک، هر هانکی بیر خالقین مدنیتی و تاریخی آبیده لرینی کیمسه بوش سؤز ایله اؤزونه چیخا بیلمز. بو آبیده لر بوگون فارس حاکیمیتی الینده اولماسینا باخمایاراق اونلارین واریشلری یاشادیقلاری حالدا، اونلار گئج یا تئز بیرلشمیش میللتلرین قانونلارینا اساساً اؤز تاریخی آبیده لرینه ال تاپاجاقلار. آنجاق فارس شووونیستلری و پان ایرانیستلر نه اوچون بو مدنیتلری اؤزلرینه چیخماغا چالیشاراق مدنیت جانی سی اولماغا چالیشیرلار سورقو و سوآلی نین جاوابی مدنیت اوغرولوغو ایله ایضاح ائدیلمه لیدیر. فاروق صفی زاده جمهوری اسلامی نین چتری آلتیندا اسلام پیغمبری ساییلان حضرت محمدی کوروشون قالیغی قلمه آلمایا چالیشمیش. بو دوغرولتودا فاروق صفی زاده-دن اوخویوروق:

"... ابراهیم زردوشت بیر آد اولاراق اون ایکنجی عصر دن سونرا ابراهیم آدی گلدیگده "ابراهیم زردوشت" ویا "زردوشت ابراهیم" دئییه ایشلنمیش" ix .

اوسته فاروق صفی زاده نین ایفاده ائتدیگی اون ایکینجی عصر اولدوقجا ماراقلیدیر. کئچمیش دانیشیقلاردا ایفاده اولوندوغو کیمی فرانسه عالیملرینه گوره اوستا کتابی اون اوچونجو عصرده یازیلیمیش بیر اثر ساییلار. دئمک، فارس مدنیت راسیستلری و ایستعمار عامیللری بيله رک تاریخی تحریف ائتمگه چالیشارلار. فاروق صفی زاده دن اوخوبوروق:

"بو دئدیکلریمیز ابراهیم پیغمبرین کاملا ایرانلی و آریالی و تامام اسرعیل پیغمبرلری، او جومله-دن اسماعیل، اسحاق-ین ایرانلی اولدوقلارینی گؤسترر. اسلام پیغمبری اؤزو ده ایرانلی ایمیش. پیغمبردن حدیث واریمیز: عرب مندندیر؛ من عرب دئیلم. قرآندا دا آیه واریمیز، دئییلر: الْأَعْرَابُ أَشَدُّ نَفَقًا وَالْكَبَرُ (عرب از کفر و نفاق بدتر است). بو آیه اساسیندا پیغمبر عرب اولابیلمز.... بو آیه پیغمبرین عرب اولدوغونو ثابت ائدر"x.

اوسته کی آیه نین ده فاروق صفیزاده طرفیندن جعل اولوندوغو اورتایا چیخار. قرآنداکی آیه بئله-دیر

الْأَعْرَابُ أَشَدُّ كُفْرًا وَنِفَاقًا وَأَجْدَرُ أَلَّا يَعْلَمُوا حُدُودَ مَا أَنْزَلَ اللَّهُ عَلَىٰ رَسُولِهِ ۗ وَاللَّهُ عَلِيمٌ حَكِيمٌ (سوره توبه، آیه 97)

بورادا "الاعراب" کلمه سینده "آل" تعریف کلمه سی (حرف تعریف) ایشلندیگی اوچون بوتون عربلر دئیل، بللی بیر عرب بؤلۆگو و کسیمی منظور اولونار. ناصر مکارم شیرازی "الاعراب" کلمه سینی "بادیه نشین عربلر" دئییه ترجمه ائتمیش. میرزه رسول اسماعیلزاده دوزال "آل لاعراب" کلمه سینی "بدوی عربلر" دئییه ترجمه ائتمیش. بو اساسدا محمد پیغمبر "بدوی و بادیه نشین" اولمامیش، آنجاق بدوی عربلر محمد پیغمبرین اومتی اولموشلار. دئمک، قرآن کیمی تاریخی بیر اثردن نقل قول ائتمک قابلیتینده اولمایانلار نئجه یالاندان تاریخ تونتماغا قاپلیدیقلاری دا انسانی چاش باش قویار. فاروق صفی زاده-دن اوخویوروق:

"... چوخلاری کوروش قبيله سی نین قرئیش قبيله سی اولدوغونا اینانار. قرئیش کلمه سی کوروشدان آلینمیش و عربجه قرئیش اولموش. بو، کوروش قبيله سی ایمیش. اونلار ایرانندان عربستانا گئتمیشلر. عربستانین ایران تورپاغی نین ترکیب حیسه سی اولدوغونو بیلیریک. بیر کسی سورگون ائدرکن عربستانا گونده ررمیشلر، مزدکلری عربستانا سورگون ائتدیکلری کیمی."^{xi}

اوسته ايشاره ائتديگيميز كيمي زرتشت يانچيلاري و مؤبدلري ميلادين اون اوچونجو عصرينده سینه لر ازبري اولان ناغيل و تعاليملري توپلايب كيتاب ائتميشلر. يونانين آنتيك دؤورونه عاييد آراشديرماجيلاري هئرودوت، خئوپون، پلينيوس و پلوتارش ذات عاليلرين فيكرينه اساساً زردوشت 630 ايل ميلاددان اؤنجه **بلخ** بؤلگه سينده باشقا فيكيه اساساً 553 ايل ميلاددان اؤنجه **باختر** بؤلگه سينده **مزدا** ديني ني تازالايان بير كشيش و روحاني شخصيت اولموشدور^{xii}. زردوشتون 13 اون اوچونجو عصرده يازيلميش اويستا كيتابي ناغيللاريندا آدي نين تيكار اولماسي يونان آنتيك دؤنمينه عاييد فيكيه صاحبلاري نين دئديكلريني زرتشتون آدي باخيميندان دوغرولاميش اولورلار. دئمك، زرتوشتون آنادان دوغولدوقدا آدي نين نه اولدوغونو بيلمه سك ده، او زامان اهورا مزدا ذات عاليلرينه پاداش اولراق موريدلري طرفيندن **اون ماديان آت و بير سايدا آيغير دوه و آت** وئرديكلريني اؤيرنميش اولوروق. بيلينديگي كيمي قديم بعضي كولتورلرده (او جمله دن عرب كولتورونده) دوه نفر سايبليغي اوچون بلكه ده اهورا مزدا اوچون وئريلن پاداش "**زردوشت**" (يوخسا قيزيللي دوه) زامان گئديشي ايله قيزيللي دوه صاحبي و دوه چي حالينا گله رك او شخصه "زرتوشت" كلمه سي بير تاخما آد كيمي خيطاب اولونموش. دئمك، پان ايرانيست

و باستانگرایلارین آدسیز پیامبرلری زامان کئچیدی ایله زرتوشت (قیزیللی دوه و دوه چی) آدینی قازانمیشدیر دئییه فیکیر یئریتمک اولار. **ابراهیم خلیل الله** آدی ایله ایسلام دینینده تانینان حضرت ابراهیمی پان ایرانیستلر بیر زرتوشت (ایسلام اینانجینا گۆره کافر!) کیمی معرفی ائتمکلینه گلدیکده تهرانداکی ایسلام بایراقدارلاری نین عباسی آلتینا سوخولموش پان ایرانیست فیکیر صاحیبلریندن بوندان آرتیق گۆزلمک اولماز. دئمک، اونلار حضرت ابراهیمین **نمرود** احوالاتیندا اؤزونو اودا آتماق حئکایه سیندن یانلیش فایدالاناراق سام دیل و مدنیتلرینه عایید اولان پیامبرلرین اصلیتلرینی **آریالی** قلمه آلماغا چالیشارلار.

کوروش حئکایه سی و کوروشو قراندا تعبیر ائتمک چاباسی ایلك اولاراق هیندلی ابوالکلام آزاد طرفیندن اورتایا آتیلیمیش. علامه آد وئردیکلری، سیدمحمد طباطبایی آدلی ذات دا "المیزان" آدلی اثرینده بو دوغرولتودا نظر بیلدیرمک ایله بو مسئله نین فارس دینچی محفللرینه داشیمیش. طباطبایی ذات عالییه نسبت وئریلمیش متیندن اوخویوروق:

"بو دئییلیمیش نظره اعتراض گیریش (وارد) اولابیلیمه سینه باخمایاراق، باشقا دئییشلر ایله مقایسه-ده، بو دئییشین قران آیه لری ایله اوست

اوسته دوشمه سی آیدیندیر و قبول اولاندیر"^{xiii}. بو فتوا ماهیتلی، آنجاق یالان گؤروشله اساسا فارس اصلاح طلبلریندن اولموش مهدی خزعلی، آیت خزعلی نین اوغلو دا محرم آییندا 1395 اینجی ایل محمد پیغمبرین کوروش نسلیندن اولدوغونو ادعا ائتمیش و بو ادعالار ویدئو واسیطه سی ایله خالق آراسیندا ائله جه آمریکانین VOA تلویزیون کانالیندان دا یاییلمیش. مهدی خزعلیدین اوخویوروق:


"قریش معرب کوروش است که قریش شده است. پیامبر ما از نسل کوروش است و امام حسین که مورد تکریم همه است از نسل کوروش است. من از مردم می خواهم هفتم آبان با آداب به زیارت این مرد الهی بروند ... روحانی هم باید در هفتم آبان به زیارت کوروش برود"^{xiv}. بو آرادا ناصر مکارم شیرازی ده کوروش و ذولقرنین مسئله سینه گیریش ائتمیش. شیعه نیوز اینتترنئت صحیفه سینده ناصر مکارم شیرازی-یه نسبت وئریلمیش متنده اوخویوروق:

"آیت الله مکارم شیرازی قراندا ذوالقرنین اوزره اؤز گؤروشلرینی ایفاده ائده رک دنیا بشر حاقلاری اوزره کوروشون منشورونون اهمیتینه دئینمیش و کوروش منشور سرگیلنمیش سرگی و نمایشگاهدان گؤروش کئچیرمگه مئیللی اولدوغونو بیلدیرمیش"^{xv}

بو عوامفریبلیکله باخمایاراق سام دیل و مدنیتری داشییان ملی توپلوملاردا کیملیک آغاجی، "شجرة النّسب (شجره نامه) دئیکلری انسانلارین نسل یازماق و ثبت ائتمک دئییه بیر گلن بیر گلنک و گوره نکلی (عادت عنعنه) وار. او گله نک و گوره نکه اساساً حضرت محمددن 12 آرخا گئری یه دوغرو قورئیش طایفاسی نین بیرینجی شخصی نین کیم اولدوغو دا دنیا ایجتماعیتی اوچون بللیدیر. آنجاق فارس شوونیستلری نین یالانلاری عوام اینسانلار اوچون ده بللی دئییه قورئیشین کیم اولدوغونو کئچمیشده اوردون **شاه حسین** نین شجره النّسبندن اوخویاق



The Family Tree of His Majesty King Hussein of Jordan



اوسته گۆروندوگو کیمی قورئیشدن آشاغی باشلاراق بو شجره نامه ده خاخام انشان سیلسیله سینه منصوب بیر خیالی کورش آدی اولمامیش. **قورئیش فیهر** بیر شخص آدی اولاراق اؤز تۆره لری و گلجک نسیللی ایله بیرلیکده تاریخده ثبت اولموش حقوقی و حقیقی بیر شخص اولموش.

ایشیق سؤنمز، 18.12.2018

- i علی شریعتی، بازشناسی هویت ایرانی- اسلامی، ص. 47 - 48
- ii Biographisch-Biographisches Kirchenlexikon, Band XIV, 1998; Verlag Traugott Bautz Spalten 344-355
متن کامل سخنان پروفوسور فاروق صفی زاده راجع به ایرانیان :
<https://www.aparat.com/v/x8UMd> متن کامل سخنان پروفوسور فاروق صفی زاده راجع به ایرانیان
- iv صفی زاده در گفت‌وگو با فارس : تاریخ ایران باستان با تاریخی که غربی‌ها می‌گویند متفاوت است، تاریخ
19.09.1391 : <https://www.farsnews.com/news/13910918001391>
- v فاروق صفی زاده، ماهنامه ایران مهر، تهران، 1384، شماره تیر و مرداد، صحیفه 77، 78 و 79.
- vi فاروق صفی زاده، ماهنامه ایران مهر، تهران، 1384، شماره تیر و مرداد، صحیفه 77، 78 و 79.
- vii ایشیق سؤنمز، "خاخام انشان (خاخامنشیان)" و اونلاری دیلی:
<http://www.isiqsonmaz.com/Seite%20365.htm>
- viii فاروق صفی زاده، باخ اورادا.
- ix فاروق صفی زاده، باخ اورادا.
- x فاروق صفی زاده، باخ اورادا.
- xi فاروق صفی زاده، باخ اورادا.
- xii Biographisch-Biographisches Kirchenlexikon, Band XIV, 1998; Verlag Traugott Bautz Spalten 344-355.
- xiii خبر آنلین، آیا کوروش همان ذوالقرنین است؟+نظر علامه طباطبایی(ره) و یک مرجع تقلید، 4 مرداد،
1391 : <https://www.khabaronline.ir/news/230402> /آیا-کوروش-همان-ذوالقرنین-است-نظر-علامه-طباطبایی-
- ره-و-یک-مرجع
- xiv مهدی خزعلی، قریبش معرب کوروش است، صدای آمریکا، جام نیوز، تاریخ مخابره : ۶/۰۸/۱۳۹۵ - :
<http://www.jamnews.com/detail/news/729877>
- xv اظهارات آیت الله مکارم شیرازی درباره کوروش هخامنشی و منشورش، دوشنبه ۰۳ دی ۱۳۹۷ - December 24 - : <http://www.shbc.ir/news/29902>